



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXX. Gregorii Papae I. Ad Evmdem. Ne episcopi ante hiemem ad
se veniant, & de compraratione frumenti.

urn:nbn:de:hbz:466:1-15221

EPISTOLA LXIX.

GREGORII PAPÆ I.

AD PETRVM SVBDIACONVM.

Tuitionem Cyriaci & Ioannæ commendat.

Gregorius Petro subdiacono.

EGENTIBVS nostræ commendationis auxilio, oportet nos, in quantum ratio patitur, benigna mente præbere subsidium. Proinde experientiæ tuæ Cyriacum & Ioannam coniugem eius præsentium portitores nostra præceptione duximus commendandos, quatenus a nullo eos contra iustitiam opprimi vel grauari permittas. Sed ubi necesse fuerit tuis, annuente iustitia, solatiis perfruantur; vt, salua æquitate, nostram sibi in omnibus commendationem te concurrente prodesse latentur. Quia verò præfata femina, pro eo quod post acceptas sponsalicias arrhas ex Iudæa ad Christianam religionem conuersa est, dicitur sustinere molestiam, & eandem causam iam dictam asseruit, & finitam experientia tua diligenter exquirat: & si causam iudicatam cognouerit, nullam exinde querelam aduersus superscriptam feminam vltius quolibet modo reserpere permittat. Sed quæ iudicata sunt modis omnibus conseruentur, ne ob id quod meliorem partem elegisse dignoscitur, malorum hominum controuersis quatiatur.

EPISTOLA LXX.

GREGORII PAPÆ I.

AD EVMDEM.

Ne episcopi ante hiemem ad se veniant, & de comparatione frumenti.

Gregorius Petro subdiacono.

QVIA fratres & coepiscopos nostros in Sicilia insula commorantes, ad beati Petri apostoli natalitium diem conuenisse volumus, scriptis præcedentibus agnouisti. Sed quia ea causa, quæ cum viro magnifico * Iustino ex prætore dicitur, eorum iter interim præpediuit, & quia iam tempus veniendi & redeundi non finit, eos

S. Leo ep.
4. c. 7.

Ff iij

* Iustino

nolumus ante hiemem fatigari. Gregorium vero Agrigentinum, & Leonem Catanensem, & Victorem Panormitanum per omnia volumus ad te ante hiemem proficisci. Quinquaginta vero auri libris, quas habes, noua frumenta ab extraneis compara, & in Sicilia in locis in quibus non pereant repone, vt mense Februario illuc naues quantas possumus dirigamus, & eadem ad nos frumenta deferantur. Sed etsi nos transmittere cessamus, ipse naues prouide, & ad nos, auxiliante Domino, Februario mense trans mitte hæc eadem frumenta, exceptis dumtaxat frumentis quæ nunc mense Septembri vel Octobri iuxta consuetudinem transmitti præstolamur. Ita ergo experientia tua faciat, vt sine alicuius vexatione coloni ecclesiæ frumenta congregentur: quia tantum hic parua natiuitas fuit, vt, nisi auxiliante Deo frumenta de Sicilia congregentur, fames vehementer immineat. Naues vero, quæ commendatæ ecclesiæ sanctæ semper fuerunt, in omnibus tuere, ad quod tibi etiam directæ gloriosi viri Leonis exconsulis epistolæ concurrunt. Multi vero huc veniunt, qui terras aliquas, vel insulas in iure ecclesiæ nostræ, in emphyteosim sibi postulant dari: & aliquibus quidem negamus, aliquibus vero iam concessimus. Sed tua experientia sanctæ ecclesiæ vtilitatem conspiciat, memor, quod ante sacratissimum beati Petri apostoli corpus, potestatem patrimonii eius acceperit. Et licet hinc scripta decurrant, quod vtilitatem patrimonii impendit, fieri nullo modo permittat: quia nec nos sine ratione aliquid dedisse reminiscimur, vel dare disponimus.

EPISTOLA LXXI.

GREGORII PAPÆ I.

AD EVMDEM.

De possessionibus Taurominitanæ ecclesiæ iniuste occupatis.

Gregorius Petro subdiacono.

QVANTO apostolicæ sedi ab ecclesiis reuerentia ceteris exhibetur, tanto eam in earum decet esse tuitione sollicitam. Et quia domus, vel fines, vel possessiones Taurominitanæ iuri ecclesiæ pertinentes, ab actionariis di-